

Lettres patentes du Roy, ^{no 11.}

Sur la reformation du luxe de son Royaume
procedant de la somptuosité des habits pour-
tant deffences du port des estoifes d'or & d'ar-
gent, Clinquants, profileures, broderies, de
perles d'or & de soye, passements de Millan,
& autres excessiuitez sur les peines y con-
tenuës,

*Publié au Parlement de Prouence,
le vingt sixiesme Juing 1617.*



A A I X,

Par I E A N T H O L O S A N, Imprimeur
du Roy, & ordinaire de ladiete Ville.

1617.



¹
LO V Y S par la grace
de Dieu Roy de Frā-
ce & de Nauarre, Cō-
te de Prouence For-
calquier & terres ad-
iacentes, A tous ceux qui ces presen-
tes lettres verront, Salut, Par nostre
Edict du mois de Mars mil six cens
treize en suite & consequence de
plusieurs autres Edicts & ordonnan-
ces des Roys nos predecesseurs mes-
mes du feu Roy nostre tres-honoré
Seigneur & Pere (que Dieu absolue)
des Mois de Iuillet 1601, & Nouem-
bre 1606. Nous aurions fait les des-
fences y contenuës & iugées neces-
saires pour empescher la continua-
tion des grandès & excessiue des-
pences que font noz subjects par les

4
luxes & la superfluité des habits les-
quelles nous desirions estre exacte-
ment obseruees & gardées les ayant
a ceste fin fait publier & enregistrer
en nos Cours de Parlement & par
tout ailleurs ou besoing a esté, mais
comme les troubles & diuisions tost
apres suruenus en nostre Royaume,
y ont causé & apporté plus de licen-
ce que iamais nostre bonne inten-
tion y a esté aussi à nostre grand re-
gret du tout peruertie, or mainte-
nant qu'il a pleu a Dieu nous faire
la grace de pacifier lesdicts troubles
remettre nostredit Royaume en paix
& nos peuples en repos, nous auons
estimé deuoir reprendre lesdicts E-
dicts & Ordonnances & les faire de
nouveau publier garder & obseruer

inviolablement, ⁵ A CES CAUSES
de l'aduis de nostre Conseil, ou ont
assisté aucuns Princes de nostre sang
autres Princes, Ducs, Pairs Officiers
de nostre Couronne, & principaux
Seigneurs de nostredit Conseil & de
nostre pleine puissance & auctorité
Royale, Nous auons conformémēt,
à nostredit Edict du mois de Mars
1613. dit déclaré, difons & declarons ce
qui s'ensuit. ^{sup nombr nos & enilsup}
v Premièrement, que nous voulons
& ordonnons que tous nosdicts sub-
jects de quelque estat qualité & con-
dition qu'ils soyent se contiennent
desormais modestemēt en leurs ha-
bits qu'ils prendront decens & con-
uenables a leur profession & vacatiō
& qu'ils s'abstiennent de toutes les

super

6
superfluitez esquelles ils se sont lais-
sez emporter par le passé sur les pei-
nes portees par les ordonnances fai-
ctes en telles matieres par les Roys
nosdicts predecesseurs.

Deffendons a ceste fin tres-expres-
sément a toutes personnes general-
lement quelconques de noz Royau-
mes, pais, terres & Seigneuries de no-
stre obeissance de quelque sexe estat
qualité & condition qu'ils soyent de
porter habillemens sur lesquels il y
ait or, argent fin ou faux, soit en draps
toilles, porfileures Broderies passe-
més estoifes barrees ou choses equi-
polentes qui puissent servir sur leurs
personnes en quelque sorte ou ma-
niere que ce soit sur peine de quinze
cens liures d'amande applicable, le
tiers

tiers à nous, le tiers aux pauüres, &
le tiers au desnonciateur.

Deffendons ausy tous ouurages
de Broderies en quelque sorte d'ha-
bits que ce soit de Perles, pierreries,
d'or, d'argent ou de soye comme aus-
si l'vsage de tout passément de Milan
ou façon de Milan a peine de mil li-
ures d'amande applicable comme
dessus.

Pareilles deffences sont faictes à
tous ouuriers de dorer ou faire dorer
aucunes carrosses à l'aduenir & d'vser
en icelles de broderie de quelque sor-
te que ce soit, si ce n'est pour nous, les
Roynes nostre tres-chere espouse &
& tres-honoré Dame & Mere, de noz
tres-chers Freres & Sœurs les susdits
Princes & Princesses de nostre sang,

autres Princes Ducs, Pairs & Officiers de nostre Couronne sur mesme peine de mil liures d'amende applicable comme il est dit cy dessus.

Deffendons pareillement à tous Seigneurs Gentils-hommes & autres de quelque qualité qu'ils soyent excepté lesdicts Princes, Princeesses, Ducs, Pairs & Officiers de nostre Couronne de faire porter à l'aduénir aucuns habits de soye à leurs Pages & Laquais, que nous voulons estre vestus destoffes de layne avec vn bord de passément sur les coustures bords & extremittez seulement.

Nous defendons en outre, à tous tailleurs Brodeurs pourpointiers Chaussiers, & autres ouuriers tant de nostre suite que demeurans aux villes

9
villes ou ailleurs de faire ou faire faire aucuns habillemēs & autres choses cy dessus deffendues sur peine ou ils seront trouuez contreuenir à nostre presente ordonnance d'estre condamnez en la somme de trois cēs liures damende pour la premiere fois & pour la seconde d'vne autre amāde double de la premiere applicable comme dessus, & pour la troisiēme fois de punition corporelle.

¶ Voulons & ordonnons nostre presente ordonnance estre estroictement & inuiolablement obseruée par toutes sortes de personnes sans autre exception quelconque à commencer au quinziesme iour d'Aoust prochain.

¶ Et pour mieux pourueoir aux cō-

trauentions qui se pourroyent faire
 a nosdictes defences, voulons & or-
 donnons que tous Iuges Royaux
 par preuention Commissaires gardes
 & tous autres Officiers puissent prē-
 dre cognoissance executer faire gar-
 der & obseruer nosdictes presentes
 defences & que les amandes soyent
 iugées tant à l'encontre des propri-
 taires des choses defenduës que con-
 tre les receleurs & eux contraincts à
 les payer nonobstant oppositions ou
 appellatiōs quelconques & sans pre-
 iudice d'icelles.

Si donnons en mandement à nos
 amez & feaux Conseillers, les gens
 tenans noz Cours de Parlement, &
 a tous noz Baillifs Seneschaux Pre-
 uosts Iuges & autres noziusticiers &
 Officiers

Officiers qu'il appartiendra que nos-
dictes inhibitions & defences ils fa-
cēt lire publier & enregistrer par tous
les lieux & endroicts de leurs ressorts
iurisdctions & destroicts & icelles de
point en point entretenir garder & ob-
seruer inuiolablement , enioignant
tres-expressement à noz Procureurs
Generaux de nosdicts Parlemens & à
leurs substituz en chascune de nos-
dicts Bailliages, seneschaussées , Pre-
uostez & autres iurisdctions tenir la
main a ladiete execution, & faire tou-
tes les poursuites & instances pource
requises & necessaires , A noz rece-
ueurs des amandes de faire recepte ac-
tuelle en leur comptes de toutes cel-
les qui nous seront pource subiet ad-
iugées, & aux Gouverneurs des hauf-

pitaux & maistres des Bureaux des
pauures, de employer les deniers en
leurs loyautez & consciences à la
nourriture & entretenement desdits
pauures, C A R telest nostre plaisir
& pource que de ces presentes l'on
pourra auoir affaire en plusieurs &
diuers lieux, Nous voulons qu'au vi-
dimus d'icelles duëment collation-
né, foy soit adioustée cōme au pre-
sent original, auquel, En tesmoing de
ce nous auons fait mettre nostre scel,

Donné à Paris le 26.iour de May, l'an de grace,
mil six cens dix sept.

Et de nostre regne le hui&iesme.

Signé LOVYS.

Par le Roy Comte de Prouence.

P H E L I P P E A V X,

*Arrest de la Cour donne sur la verification
desdictes lettres.*

LA Cour a ordonné & ordonné que lesdictes lettres patentes seront enregistrees & registres d'icelle pour estre gardees & observees selon leur forme & teneur & que extraits d'icelles serot expedies audit Procureur General pour enuoyer a chascun des sieges de ce ressort pour y estre semblablement enregistrees gardees & observees & neantmoins fait inhibitions & defences a tous marchands & autres qu'il appartenra de vendre & debiter aucunes des estoffes, & marchandises, deffandues & prohibees par lesdictes lettres patentes en aucune façon & maniere que ce soit apres le deslay porté par icelles a peine de confiscation desdictes estoffes & marchandises & de cinq cens liures d'amende, enioinct aux Lieutenans de seneschal Iuges Royaux Viguiers & autres Officiers de tenir la main a l'execution & observation du contenu tant desdictes lettres patentes que present Arrest saisir & emprisonner les contreuenants & proceder contre d'iceux suivant la rigueur d'icelles & du present arrest, & aduertir la Cour de leurs diligences a peine de suspension

de leurs charges & autre arbitraire, & afin que
 personne n'en pretende cause d'ignorance seront
 lesdites lettres patentes, & present arrest, leu
 & publié a son de trompe, & cry public par tous
 les lieux & carrefours de ceste ville d'Aix accou-
 stumes enséble aux autres villes & lieux de ladite
 Prouince,

Publié à la barre du Parlement de Prouence
 sgeant à Aix, le vingt-sixiesme iuin 1617.



